

Disquisitionis Inauguralis Medicæ

DE

PHRENITIDE,

Quam,

DIVINA ANNUENTE GRATIA,

Authoritate & Jussu,

Gratiosi Collegii Medici,

in

ALMA EBERHARDINA,

Præside

DN. ELIA RUDOLPHO CAMERARIO,

Philos. & Medicinæ Doctore ac Prof. P. Ord.

Facult. Med. h. t. Decano, Consiliario & Archiatr.

Würtemb.

Dn. Patrono, Præceptore & Promotore suo æviter nūm Colendissimo,

pro

Consequendis summis in Arte Medica

Honoribus & Privilegiis

DOCTORALIBUS

Solenni Eruditorum Examini

subjicit

IN AULA NOVA

Ad diem Octobr.

GEORG-NICOLAUS Weinlin / Rotenburgo-

ad Tubarim Francus.

TUBINGÆ,

Typis JOHANN-HENRICI REISL.

Anno MDC LXXXIV.

PEREGRINE

THE HISTORY OF THE

WARRIORS OF THE

AMERICAN INDIANS

OF THE GREAT NORTHWEST

AND THE HISTORY OF THE

WARRIORS OF THE

AMERICAN INDIANS

OF THE GREAT NORTHWEST

AND THE HISTORY OF THE

WARRIORS OF THE

AMERICAN INDIANS

OF THE GREAT NORTHWEST

AND THE HISTORY OF THE

WARRIORS OF THE

CAPUT I.

Definitionem *Nominalem* & *Realem* exhibet.



Aud inconcinnè *Epietetus* Tom. 1. *dissert. Arrian. cap. 17.* in hæc erupit verba: Ἀρχὴ τῆς παιδείας ἢ τῶν ὀνομάτων Ἰστορεῖς, *initium doctrinæ nominum dilucidatio est.* Hinc etiam mihi jam de *Phrenitide* dissertaturo, *melioris doctrinæ gratia*, circa explicationem philologicam pauculis commorari lubet.

ETYMOLOGIAM si spectemus, *Phrenitidem* vocem esse ortu græcam, dictam ἀπὸ τῆς φρενός, à *mente*, quæ scilicet in hoc affectu laboret, patet. Nonnulli numerum amant pluralem, ἀπὸ τῶν φρενῶν, quo vocabulo, ut *Gal. 1. prorrh. t. 4.* docet, νοῦς seu *Δένοια* propriè significatur, aut præcordia, juxta *Quorundam*, qui *mentis* sedem ibi fixerunt, sententiam.

SYNONYMIAM quod attinet, appellatur φρενίς, *Phrenenitis*, φρενιάσις, φρένης, hinc *Scammonius*:

Et vitio Cerebri *Phrenesis* furiosa movetur,

Amiffasque refert frendens amentia vires.

Syriasis etiam, docente *Theodoro Corbejo* in *pathol. 1. 2. cap. 9.* maximè si pueris accidit. *Celso* l. 2. c. 1. *insania febricitantium* dicitur; *Plinio* sapientiæ morbus; *Arabes* Karabitum vocant, teste *Petro Foresto* lib. 10. obs. 1. Est autem Karabitus juxta *Arculanum* nomen Arabicum, sumptum ab accidenti, scilicet alienatione & propriè in lingua Arabica alienationem sonat, sed transumptum est ad significandum ejusmodi *Apostema*, ad quod sequitur alienatio. *Persæ* *Birsen* appellarunt; *Avicenna* verò *Sirsen* calidum,

dum, i. e. Apostema capitis calidum; sed qui *Birsen* dicunt, malè loquuntur, nam *Bir* est pectus, *Sir* verò est caput, & *Sen* apostema. Gallis dicitur la *Frenesie*, Italis *Frenesia*, *Gbiribizzo*, Germanis die *Uhsinnigkeit* / *Taubsucht* / *Wahnsinnigkeit* / das *Hirns Wüten* / das rasende Hirn-Sieber.

HOMONYMIAM paucis subjungam: Nos non sensu confuso *Phrenitidem* hîc consideramus, non enim illum intelligimus affectum, qui alias *Paraphrenitis* Autoribus audit, ubi diaphragmatis aut alijs quoque visceris, secundum *Quosdam*, adest inflammatio, verùm per accidens, non per se, læsis his partibus, delirium illud excitatur, nec vera adest *Phrenitis*, ubi continuum deest delirium, quod in *Paraphrenitide* locum habet. Hinc definitur, quod sit

Desipientia continua cum febre acuta, à spirituum animalium, vel ob cerebri inflammationem, vel etiam sine illâ, accensione aut furioso per cerebrum motu dependens.

Generis loco posui *desipientiam continuam*; quod autem continua sit, & Autoritate & Experientia probatur. Testem jamjam sese exhibuit *Galenus* 5. loc. affect. c. 4. imò ipse *Hippocr.* interprete *Galeno* 1. prorrh. comm. t. 1. *Φρενιτιζειν ἐν πυρετῷ τῷ δι-
vivεντι δὲ τῆς ἀφροσύνης, ὅτ' αἷμα πυρετῷ γένηται πρὸς φρενίτιν γνω-
εῖοι μὲν*: *Desipere cum febre & continuitate delirii Phrenitidem* appellamus. Inter Recentiores quis, quæso, est, qui id continuum Affectui huic, Essentialem intelligo *Phrenitidem*, non interpolatam, denegat? *Experientiam* si consulimus, adeamus modò *Phreneticos*, eorumque dicta & facta consideremus, continuò eosdem deliriò esse oppressos, luculentissimè constabit. Contingere autem illud cum *Febre acutâ* dixi, hæc enim necessariò hîc requiritur. Adest autem modò ut causa, modò ut effectus, vel *primaria*, vel *secundaria* & *symptomatica*; dùm vel spiritus accendendo, in furorem agendo, vel inflammationem in cerebro excitando, quæ Causæ mox explicabuntur, agit, vel inflammationem à Causa externa evidenti vel interna quacunque exortam consequitur.

CAPUT II.

Subiectum examinat.

Subiectum *Phrenitidis* non est Pylorus, quod *Toparchæ Mero-*
damo placuit, sed omnium ferè saniorum Medicorum consen-
su & suffragio Cerebrum cum *Spiritibus suis animalibus*, quibus
maximè nobilitatur; cùm autem non unius ejusdemque, sed di-
versæ planè conditionis sit, ita ut variæ in eodem constituentur
partes, quarum una vel altera læsionem in casibus ubi *inflamma-*
tio accusabitur, patiatur, sub iudice lis est. Sunt, inter quos *Mon-*
tanus & *Jachinus*, qui solas meninges, exclusa cerebri substantia,
accusant, cùm Cerebrum inflammari nequeat; sed an argumenta
illorum à mollitie & tumescencia Cerebri negata, petita valeant,
vid. *Sennert. Instit. Med. l. 2. part. 3. sect. 2. c. 4.* & *Petrum*
Salium Diversum de Affect. Partic. c. 1. Dantur, in quorum nu-
mero ipse *Willisus*, qui meninges non semper pro Subiecto *Phre-*
nitidis agnoscunt: In *Dissectionibus Anatomicis* sæpius vidi, in-
quit, *meningas*, imò nonnunquam & Cerebri exteriorem ambitum
tumore *phlegmonodei* obsessas, atqui laborantes minimè *Phrenesi*,
verùm econtra torpore affecti, à Caro aliisque morbis soporosis in-
teribant. Et quidem rem ita habere ratio planè dicitur, nam me-
ninges inflammatae, eoque magis tumidae, cerebrum valdè compri-
ment, & circa ambitum ejus *Spirituum ductus* & vias occludent.
Vallesius Cerebrum, seclusis meningibus, pro Subiecto habet, qui,
interprete *Casparo Hoffmanno* in *Instit. Med. l. 3. c. 52.* ita dicit:
Quemadmodum de pleuritide contendunt Quidam, non esse pleuræ
sed pulmonis inflammationem, ita non desunt, qui Phrenitida ne-
gent esse meningum, sed substantiæ ipsius Cerebri inflammationem;
ad hujus rei confirmationem affert experientiam *Com. in 5. E-*
pid. 49. In vulneribus capitis, inquiens, *vulnerata* & ita in-
flammata dura matre, ut per partes eximeretur, non supervenisse
tamen delirium, & hinc concludit, *Phrenitida* non fieri, nisi peni-
tissimæ Cerebri partes inflammentur. Nos, quod nostram atti-
net sententiam, credimus & statuimus, Cerebrum & quoad suam

substantiam, & quoad ejusdem tunicas aut membranas, meninges communiter dictas inflammari, adeoque Phrenitidis Subjectum esse posse, vix enim credibile, quod una harum pars ob insignem vicinitatem vasorumque communionem, illæsa altera, hîc afficiatur; non autem statuendum, quasi in eodem statu, in eadem qualitate utræque partes læsionem sentiant, modò enim hæc, modò illa majorem in modum accusanda venit: Nec tanta sit illa *inflammatio*, ut omnis sanguini per Cerebrum transitus denegetur, aut Cerebrum nimis indè comprimatur, diversa enim tunc obvenirent symptomata.

CAPUT III.

Causam Immediatam proponit.

CUM absque causarum cognitione morbi naturam investigare, vel ipsius remotionem moliri Medicus nequeat, tractatio earundem jam instituenda. Proximam & Immediatam *Phrenitidis* causam in definitione posuimus *Spirituum* modò *animalium* accensionem, furiosum modò eorundem per cerebrum motum, modò cum cerebri ejusve membranarum inflammatione, modò sine illa. *Spirituum* animalium accensionem quodammodo adesse, vix *Medicorum* quisquam negabit. Consentit hanc in causam *Celeberr. Willisius*, qui meningum inflammationem ceu causam *Phrenitidis* proximam vix tangens, *Spirituum* tantùm *Animalium* accensioni penitus ferè eam attribuit, probatque suam sententiam quodammodo ab accensione *Spirituum Chymicorum*, quæ omnia videri possunt & prolixè legi in *part. 2. patholog. c. 10.* Favet *Willisii* Sententiæ *Prosper Martianus*, præcipuus ille Hippocratis Sectator & Interpres optimus in *comment. lib. de Morb. iij. vers. 99. pag. 151.* Accensioni addidi *Spirituum* animalium furiosum per cerebrum motum, quem probant præter alia *Phreneticorum* actiones, dicta & facta. Nimiam hanc *Spirituum Cerebri* agitationem, confusionem & perturbationem accusat etiam *Felix Platerus* cum *Willisio*. Adjeci tandem cerebri
ejusque

ejusque membranarum inflammationem. Sunt quidē hīc nonnulli, qui Cerebrum in dubium vocant; Sic *Gerardus* Cerebrum vel os inflammari negat, eò quod hoc ob siccitatem, atque duri-
 tiem, illud propter humiditatem & mollitiem tendi nequeat; *Hal-*
ly verò & *Avicennas* 2. 1. d. 1. f. 2. c. 5. & 1. 3. tr. 3. c. 1. cum
Valesco de Taranta in *Philos. Pharmac.* lib. 1. cap. 13. opinionem
 tuentur contrariam, quibus & ego adstipulor, quod scilicet Cere-
 brum attinet, (de *ossium* enim inflammatione, an possibilis sit, nec
 ne, hīc non sum sollicitus) de quā re & videri merentur Autores
 in cap. præcedenti citati; quale autem Cerebrum ad hoc malum
 magis minusve sit dispositum, legi potest *Willis* cit. loc. De me-
 ningibus autem, quod hæ nonnunquam vel solæ vel cerebro jun-
 ctæ symptoma hoc cudere valeant, nullum mihi videtur dubium;
 inflammatis enim partibus hīscē *Spiritus animales* salvos persiste-
 re & incontaminatos, non in furorem agi, accendi, nec *oculto*
quocunque modo lædi, rarò continget. Non tamen necesse est, ut
 causæ hæ jam ordine adductæ semper & simul, una vel altera,
 haud exclusa, agant, modò enim cerebrum, membranæ modò,
 modò etiam ipsi *Spiritus animales* magis magisque sunt dispositi;
 imò quin aliquando in *febris* quibusdam ex sola Spirituum ac-
 censione & dicto furore, *absque cerebri inflammatione*, Phrenitis
 oboriatur, non dubitarem, cū febris in principio vel progressu
 suo perversum Spiritibus *motum* conciliare, vel *copulam heteroge-*
neam suppeditare, suoque *fervore* *exagitare* facilè possit. *Spiri-*
tus autem animales taliter constitutos *Glandulam Pinealem* ni-
 mium concutere & perversè determinare, ita ut Mens ibi residens,
 ob præcipitantiam & continuitatem motuum, errorem non agno-
 scere, nec ordinatè cuncta dirigere possit, cū hic *Glandula Pi-*
nealis usus evictus nondum fuerit, minus probabile videtur. In-
 terim quacunque id fiat ratione, difficili planè explicatu, verisi-
 mile tamen est, conceptas vel ante morbum terroris aut iræ *Spe-*
cies vel in morbo de novo fabricatas inde nunc depravari, nunc
 exaltari quasi, ut horribiles magis percipiuntur, nonnunquam æ-
 gri ad desperationem ferè agantur, sibi ipsis manum inferant, imò
 tanto sæpè robore polleant, ob *Spiritus* compesci nescios, incen-
 dio correptos, ut ab ali, quot viris teneri vix possint Phrenetici.

CAPUT IV.

Causas Mediatas propinquiores
considerat.

Bilis plerumque hîc accusatur, de qua *Trallian.* lib. 1. cap. 13. *Hippocr.* lib. 1. *de morb. circ. fin.* *Galen.* 3. *de caus. puls.* c. 14. & 1. *prorrh.* t. 1. Ab *Hollerio*, *Foresto*, *Montano* pro diverso Phrenitidis gradu modò *flava*, *citrina*, *pallida*, modò *adusta* censetur. *Avenzoar*, Phrenitidem provenire posse à melancholia fecali, dicit. *Paracelsus* lib. 1. *de orig. morb. ex primis tribus substantiis* c. 4. ut & *Paramiro* lib. 3. *de orig. morborum ex Tartaro* Phrenitidis causam modò vaporì mercuriali, modò Tartaro tribuit, cui etiam assentit *Scheünemannus* in *Med. reform.* c. 2. Et si dicendum, quod veritati consonum est, *Bilis* omninò rectè hîc accusatur, scilicet cùm *Sanguis* sulphureis, lixiviosis, oleosis, secundum Quosdam nitrosis particulis nimium scatet, quæ plus debito in febre accensæ sanguinem magis inflammare, incendium suum Cerebro insinuare, *Spiritibus* communicare, vel inflammationem producere, aptæ sunt; & hoc quàm maximè, ubi sanguis ab *obstructione* vasculorum, *compressione*, *constrictione* etiam, *spasmodicaque fibrarum* ab heterogeneis particulis *contractione* stagnare cogitur, ea vel impetu, orgasmo aperit, vel acrimonia sua erodit. Accedunt etiam particulæ asperæ & penetrativæ, secundum *Willisium*, quæ videlicet poros subeunt & aperiunt, adeoque priores facilius introducunt; hoc corpuscula salina, fixa sulphureis conjuncta quodammodo efficiunt, hinc biliosi & melancholici febricitantes in furores magis sunt proclives. Sanguis ergò peccat nonnunquàm *quantitate nimia*, licet rarius, *fervore nimio* & *motu impetuosiori*, sicuti & *Spiritus* peccant. Adeoque non malè nonnunquàm cum Vett. *Melancholia*, *Bilisque adusta* accusari poterit, pro diverso sanguinis statu, vel prædictis sulphureis, lixiviosis, vel acidis, salinis fixis, terrestribus particulis, variè mixtis, determinatis, dominium obtinentibus aut in parte separatis,

paratis; ut & *Æiale Paracelsi principium*, utique enim particulæ illæ, quæ Spiritus exagitant, ipsisve junguntur, volatiles sint oportet atque tenues, magnæ tamen activitatis à jugo mitiorum, ligantium liberatæ. Non solùm autem *Acidum* in inflammatione à *Quibusdam* accusatum peccare videtur, quid si enim & *alcalica* quædam sanguinem coagulant, quod Quidam asseverant, & effervescentiam instituire valerent, aut *tertium* quoddam (insufficientia enim duorum jam demonstrata est) virtute hac gauderet? Humores *Phrenitidem* causantes secundum *Galenum* interdum non carent *malignitate* quadam, quod 3. *Epidem.* comm. 3. ægr. 4. t. 75. subinnuere voluit, quando perniciosissimam *Phrenitidem* fieri dicit ex materia lethale quasi venenum spirante. Non hîc prætergredienda illa *Autorum* sententia, dicentium: *Humores nonnunquam transmittuntur, nonnunquam attrahuntur*; sed sanè non aliter in hoc Affectu attrahere videtur *Cerebrum*, quàm dùm dicitur ita dispositum, ut promptè & facilè recipiat, & vias largiatur inflammationi, accensioni & motui spirituum; quale autem *Cerebrum* magis sit dispositum, supra jam dictum.

CAPUT V.

Causas remotiores indagat.

HAs inter causas considerandæ statim veniunt *RES NATURALES*, in quibus occurrit *Temperamentum*; nullum autem ad hoc malum cudendum aptius est, quàm *Cholericum* seu calido-siccum, quando nempe particulæ sulphuræ, aliis etiam salinæ, sunt intensæ & quantitate & qualitate, serosæ verò & blandæ roscidæ deficiunt. Cùm etiam Temperamenta ratione *Sexûs* differant, *Mares* certè præ *Fæminis* ceu calidiores, quod ex actionibus, robore, laboribus & corporis habitu evidentissimum, magis ad hoc malum proni pronuntiandi. Quale *Temperamentum* ratione *ætatis* majorem hîc vim exerat, maxima adhuc lis inter *Autores* movetur. Sunt quippè, Autoritate *Hippocratis* sect. 1. aph. 14. contenti, qui *pueros adolescentibus & juvenibus* calidiores &

per consequentiam magis ad Phrenitidem aptos proclamant, quos etiam *Galenus* tùm l. 2. de *Temperament.* c. 2. tùm alibi, *Mercurius* & alii plurimi sequuntur; Contrarium tamen tàm rationibus quàm experimentis firmatum defendere placet; quò magis enim serum deficit, eò tùm caliditas, tùm siccitas magis augetur; hinc ætas hæc Juvenilis maximè corripitur febribus, & videas plurimos febre maligna morientes non tàm senes vel viros, quàm juvenes & primo quasi gradu virilitatem ingressos, quos robustissimos putes, *Clariss. Wedelius* in *Physiol. Med.* Sect. 2. c. 13. Effectus caloris, robur nimirum corporis, coctio, affectusque calidiores hanc ætatem affligentes idem haud obscurè confirmant. Non tamen penitus excludenda hîc ætas consistens & virilis, in qua scilicet calor auctus cum siccitate dominatur, undè ætas hæc, docente *Mæbio* in *Physiol. Med.* c. 7. §. 44. calida & sicca audit. Considerandus quoque habitus corporis, nec seminia per hereditatem sese communicantia, excludenda. *Astra, Sol & Luna* præprimis, quia modo mox dicendo huc conferant, nullum dubium. RES NONNATURALES quomodo hîc peccare queant, nemini non notum est: *Aër* scilicet, qui primas tenet vices, qualitate calidus corpus nostrum calefacit, humores dissolvit, liquat, attenuat, bilem auget & acuit, Spiritus inflammat; Siccus corpus exsiccat, densat, & cum caliditate junctus humores adurit, & hinc conjunctim sumpti morbos calidos, qualis etiam noster Affectus, excitant. Conjungenda hîc æstas calida & sicca, jungendi venti, qualis præprimis *Auster*, qui medium amat solem; quid *Regiones?* quid *Loca?* clarum est. *Cibus & Potus* suum etiam conferunt symbolum; Cibi nimirum & actu & potentia calidi, dulces, aromatizzati largius sumpti, & quòd de cibo dictum, idem valet de potu, de vino præprimis, cujus in sanguinis effluviis excitandis efficaciam vid. apud *Forest.* l. 13. obs. 12. *Timæum* l. 2. cap. 15. p. 103. & partium Sulphureo-Salinarum miram copiam tàm in libris quàm furnis Chymicorum; nec minus de Medicamentis virtute nimis calida & volatili pollentibus, ut & econtra de repellentibus, refrigerantibus, singulis minus debite usurpatis. Motus imprimis multum contribuere potest, qui varius cum sit, variè etiam ansam præbet, Vigiliæ nimix dùm sunt causa morborum cali-

calidorum & siccorum, quatenus nempe Spiritus continuò agitantur, & humores æstum concipiunt, quid in nostro affectu valeant, luculentissimè patet. *Animi pathemata* quatenus variè commovent & turbant spiritus ac humores, in morbis gignendis, iisque calidis, non minimam obtinent vim. *Ira*, docente *Galeno* 1. de *cognosc. affect.* Spiritus in corde & arteriis inflammat, sanguinem in venis concitat, humores exagitat, & ita morborum calidorum causa evadit. Ex *ira Phrenitim* v. in *Act. Hafn. vol. 2. O. 95.* *Tristitia* & *Mæror* in nostro Affectu quid possint, *Cuspinianus* docet; narrat enim *Justinum Minorem* usque adeò gravi ex clade ap. *Persas* accepta, mœrore correptum, ut rationem & iudicium prorsus amiserit, demensque tandem in lethalem Phrenesin inciderit. *Evacuationes* suppressæ sanguinis & spirituum agitationem an excitare possint, nullum remanet dubium. Nimius *Veneris* usus hîc etiam non negligendus, sic *Heinricus ab Heer* obs. 9. delirii à nimia Venere in sexagenario Mercatore, ancillam suam juvenem uxorem ducente, meminit. *PRÆTERNATURALES* inter causas occurrit intemperies Cerebri calida & sicca, à *febris* ardentibus & malignis introducta. *Menstrua* & *Hæmorrhoides* retentæ; *Hæmoptysis*; à *Lochiis* retentis hunc Affectum vidit *Zacutus* lib. 1. de *med. Princip. Hist. obs. 5.* *Scabies* remediis externis improvidè curata modò *Epilepsiam*, *febres*, modò *Phrenitim* ipsam, teste *Experientia*, producit; ut & minus debite tractatæ *aurium* & *oculorum inflammationes*; *Angina*; *Peripnevmonia*, *Pleuritis* per metaptosin, teste *Hippocrate*, suscitabulum esse potest, *sect. 7. aph. 12.* nec rarò affectus *pleuritidis* instar invadens in progressu in *Phrenitidem* degenerat. A *verme*, qui piam & duram matrem perfoderat, *Phrenitidem* originem duxisse, habet *Paracelsus* lib. 2. *Paramyr. §. 2.* *Abscessus* cuiusdam sub *calvaria* meminit *Bonetus* in *sepulchret. lib. 1. sect. 7. obs. 10.* Ab *aqua cœrulea*, quâ ventriculi erant pleni, *Phreneticum* quendam mortuum vidit *Neretus Neretius, Medicus Florentinus.* Ab *aqueo & pituitoso humore* in pluribus cerebri partibus, absque ulla cerebri & membranarum inflammatione *Phrenitidem* obortam fuisse, testatur *Volch. Coiter* lib. obs. *anatom. Polypi*, à *Blasio* & *Coitero* in meningis sinibus inventi, sanguinis motum nonnihil, sed non plenè impediendo,

sistendo, inflammationi, accensione spirituum, occasionem fortè dare poterunt. *Læsiones quoque Capitis*, ab *istū*, *contusione*, leves sæpè in initio visas delirium haud rarò inter alia periculosa symptomata subsequitur.

CAPUT VI.

Differentias sistit.

Differentias explicaturo ratione *Subjecti* quædam occurrunt; *modò* enim solum Cerebrum quoad suam substantiam inflammationem, quod tamen rarius accidit, patitur, *modò* membranæ ejusdem seu tunicæ Subjectum sunt, non enim hîc requiritur, ut Cerebrum simul cum membranis sit affectum, licet id facile ob nimiam vicinitatem contingat: Nec, ut duæ simul membranæ sint inflammatæ, ad minimum tamen una præ alterâ majorem in modum læsa sit, necesse esse puto. Cùm etiam in capite tertio *de causa immediata* dictum, quod sæpius Phrenitis in quibusdam febribus à sola spirituum animalium accensione oriatur, hinc differentia à Subjecto sumpta in ipsum nervosum genus etiam cadit. Et licet in diaphragmate aliisque cùm mediis, tum infimi ventris partibus spiritus ita accendi, ut delirium exindè oriatur, possint, differentiæ tamen illæ, cùm causa, gradu, symptomatibus differre soleant, huc non pertinent. Respectu *Causarum* alia à causa externa, alia ab interna, alia à sanguine, à bile alia, alia à pituita, à melancholia alia; atque hoc non improprie, namque spiritus animales juxta varias ipsorum indoles, diversimodè ab hoc morbo excandescere solent, ut loquitur *Willisius loc. cit.* Differentiam alii addunt, dùm vel à *mercuriali liquore meteorisato*, vel à *tartaro in lixiviosis salibus* Phrenitidis causam deducunt. Ratione *magnitudinis* Phrenesis intensa alia, alia mediocris, singulæ pro *deliriorum varietate* in quovis individuo mirè variantes, nempe juxta quod spiritus animales plus aut minus inflammentur, confunduntur, atque incendii sui pabulum à sanguine continenter, vel per vices accipiunt. Cæterùm hic morbus, quoad febrin, cui appenditur, naturam & morem *malignus* modò, modò

ma-

malignitatis expers est. Simplex etiam *alia*, *alia* cum aliis symptomatibus, *Comate* & *Lethargo* complicata reperitur. Tandem *alia* in principio magis, magis *alia* in augmento, in statu magis *alia*, *alia* magis in declinatione vim suam atque efficaciam exponit. *Hætica* quoque *Phrenitidis* mentionem faciunt *Quidam*, Cerebrum ibi lanæ instar tinctæ humorem imbibisse, ægrumque non cum furore nec semper manifestè delirare, sed dormire quasi tradentes: scilicet vel *narcoticarum partium* quid hîc concurrit, vel *Spirituum* adest inopia, non sufficiens manifesto furori, aut *attenta* nimis objecti cujusdam, ponderosi ægris visi, & assidua *contemplatio*.

CAPUT VII.

Diagnoseos Examen instituit.

Cum morbi non cogniti nulla sit curatio, adeoque ea, quæ ad accuratiorem Affectûs hujus Diagnosin pertinent, paucis apponamus. Opem autem aliquam ægro ferre si velimus, non solum *præsentis* sed & *imminentis* *Phrenitidis* *signa* nobis exploranda sunt. Hanc itaque tempestatem imminere, quædam signa evidenter indicant: Cum quis immodicis *vigiliis* præter consuetudinem infestatur, molestis *somniis* horrendis perturbatur, variis *imaginibus* vexatur. *Tristitia* quoque in iis, qui alacres esse solent, & *ira* præceps in mansuetis & in iis, qui leni animo graves etiam injurias pertulerunt. *Quidam* dormientes vociferantur, alii è lecto exsiliunt, incipiunt delirare, *etsi delirium non sit continuum*, sed præcipuè circa accessiones & acerbationes urgeat, in *facie* & *oculis* præprimis apparet rubedo, in *auribus* percipitur sibilus, sonitus, strepitus, tinnitus, res *visui* oblatæ videntur geminæ, *lacræ* ex oculis erumpunt, oculi inordinatè moventur, ægri variè se jactant, & movent, eorum, quæ dicuntur, obliviscuntur, respondent cum *iracundia*. Præsentis verò *Phrenitidis* signa non ita cognitu, ut imminentis, sunt difficilia, *continuum* scilicet *adest delirium*, *continua febris*, *pertinaces vigiliæ*, *oculi* evadunt squalidi, *venæ* ipsorum sanguine plenæ videntur, ante oculos *muscas*

volitare putant, quos manibus capere aut à se depellere tentant, incipiunt *floccos* à vestimentis avellere, & *festucas* carpunt, aliqui dicunt se sanos esse, & ideò vestimenta petunt, ut surgant, furoris tamen vitia habent, nugantur sæpius & irascuntur, plus solito & indecenter loquuntur, audacter respondent, qui aliàs timidi sunt & mites, insensiles sæpè efficiuntur, *cibum* omnem averfantur, modò rident & *Democritum* agunt, vicissim ut *Heraclitus*, plorant, sanguis è naribus stillat, quo tempore nihil respondent. *Pulsus* modò durus, exiguus, celer; *Respiratio* rara & magna; *Urinæ* albæ & perspicuæ, non tamen semper, bile, particulis scilicet sulphureo-salinis in renibus non secretis, ad caput quoque delata. At ubi dolorem incipiunt oblivisci, ita ut symptoma ex symptomate nascatur, & signum ex signo, non conqueruntur de siti, neque potum, neque quippiam aliud expostulant, quod si forte fortuna aliquando petierunt, rursus monitore egent. Sæpius *inverecundi* ægri jacent, & pudenda ostendunt. Hæc & similia exquisitæ certè *Phrenitidis* signa sunt, quæ ab aliis quoq; Affectibus eam manifestè distinguunt.

CAPUT VIII.

Prognosin tradit.

PROgnoseos examen si instituimus, Affectum hunc è numero *acutissimorum* & *periculosissimorum* esse, statim offendimus, quod & communi suffragio obsignat *Trallianus* l. 1. c. 13. Eventus autem ex morbi magnitudine & *virium robore* æstimandus est; Si enim vires sint languidæ, ut neque solæ, neque Artis præsidiiis adjunctæ morbo sustinendo & vincendo pares sint, *morbis* verò sit vehemens, id quod hîc non solùm ob præstantiam *partis* accidit, sed etiam à *symptomatum* vehementia, *convulsione* nervosarum partium, *aphonia*, *voce clangosa*, *urinæ* & *fecum involuntaria* & *inscia dejectione*, &c. colligitur, morbus lethalis censetur. Prognosis ergò in hoc morbo semper dubia & cum mali eventus suspicionem instituenda est. Si corpori sano, *εὐπαρέχῳ*, temperamento sanguineo, ac in *etate juvenili* contigerit, salutis spes major est, quàm si ægrotans *annosior*, *macilentus*, *biliosus* & *passionibus violentis* ob-

obnoxius fuerit. Si *febris* crisin laudabilem per *sudorem* aut *urina* copiosam habens, integrè solvatur, plerumque etiam *Phrenitis* prorsus cessabit; Sin *febris* minimè judicata materiem usque morbificam $\lambda\omega\epsilon\gamma\kappa\epsilon\phi\alpha\lambda\omega$ ingerat, si præter functiones *animales* depravatas, *vitales* fatiscere incipiant, (quod & *pulsu* & *respiratione* in pejus alteratis liquebit) si *urina* sit pallida, aquosa, & *dejectiones* albicantes, quæ *Galenus* pernitiola signa vocat, si crebra sanguinis è naribus *stillicidia*, si *vomit*, si *stridor dentium*, si *convulsiones* eveniant, mortem in propinquo esse Medicus concludat, necesse est. Inter signa hæc lethalia *Arculanus* *rixam* refert, quibus enim, inquit, *rixam fortis est, inquietudo continua, ut in parietes saltent, in Phrenitide vera, mortale est.* Hujusmodi quoque sunt frequentes permutationes, aut, ut *Benedictus Faventinus* loquitur, migrationes ex pravis accidentibus ad magis prava, quæ fiunt ob *offensas in sensibilibus presentationibus*, ut ait *Galenus* 27. Comm. sic *delirans* *floccos* evellit, quod offendiculum est sensus videndi: deindè migrat in aliud symptoma ejusdem sensus, ut *muscas* frustra venetur. Ad salutem terminatur *hæmorrhagia narium*, *resolutione*, *suppuratione*, quod tamen valdè periculosum, superveniente etiam *peripnevmonia*, *Phthisi*, *Surditate*, & *Gibbositate* 7. *Epid. n. 80.* apud *Foesium*, *melancholia*, *fatuitate*; Illa etiam *Phrenitis* nobis spem præbet, quæ continuum *risum* habet admixtum, magis verò, si ipsam *Phrenitidem fluxus hæmorrhoidalis* subsequatur, ut loqui amat *Forestus* in *Schol. obs. 3. lib. 10.* Ad mortem terminari *Phrenitidem*, prava hæcenus enarrata symptomata & affectus, in quos degenerat, satis manifestant. Ita, si in *Lethargum* transeat, malum, quoniam *lethargus* ob majorem adhuc spiritibus eorumque viis inductam labem inexpugnabilis solet esse, qualia exempla eaque tristia recenset *Christoph. à Veiga* l. 3. c. 6. art. medend. In *sphacelum*, ut multi volunt, si fit transmutatio, spes vitæ claudicat, tales enim *sphacelismo* correpti, ut 7. aph. 50. *Hipp.* loquitur, tribus diebus pereunt.

CAPUT IX.

Methodum Medendi præscribit.

UT igitur, præmissis præmittendis, ea quæ pro cura hujus Affectus spectant, subjungamus, superest hîc labor, ut eritis *indicationibus*, auxilia inveniendò, inventa præscribendo, præscripta debito modo administrando occupemur, genuina *methodo medendi* fulti. Et licet plerique apud *Hippocratem* 1. Epid. 6. & 2. 73. ac juxta *Galenum* 1. prorrh. 8. propter continuum delirium & perpetuas vigilias, moriebantur, non tamen ægri, monente *Rondeletio*, penitus sunt relinquendi, aut remedia illis deneganda, cum hic morbus non planè curatu impossibilis sit, ita ut jam olim *Alexander Trallianus* plurimos se sanasse, gloriatus fuerit. Cum ergò in *delirio continuo* & *febri acuta* noster Affectus consistat, hæcque primùm curam ex necessitate ad sese trahant, statim sistenda vel auferenda: *Intemperies calida* & *sicca* cum cerebri ceu partium primariò affectæ aliarumque partium tum totius etiam massæ sanguinæ alteranda, temperanda. Quod ut obtineatur *spirituum animalium accensorum status mutandus*, *accensio mitiganda*, *sedanda*, *debellanda*; furiosus eorundem spirituum per cerebrum motus *coercendus*, *deprimendus*, *restinguendus*, in ordinem *reducendus*, *ideæ delendæ*, cerebri ejusque membranarum *inflammatio imminens præcavenda*, si adsit, *compelescenda*, *resolvenda*, *discutienda*, omnia causis his fomitem subministrantia *removenda*, *corrigenda*. *Virium* insimul tam *amissarum* restauratio, quàm adhuc *presentium* conservatio curæ sit. Nimix *vigiliæ*, huic affectui assuetæ, cum primas ferè hîc vices teneant, & vires maximo perè consumant, causæ vices induant, quocunque modò *abigendæ*, occultum econtra vitæ pabulum somnus *alliciendus*. Hæc aliaque assequi dum tentamus, *gazophylacium Chirurgicum*, *Pharmaceuticum* & *Dieteticum*, sufficientia ad Hostem hunc depellendum monstrabit remedia.

CAPUT X.

Fontem *Chirurgicum* aperit.

OMnium primò plurimorum morborum salutare auxilium, ut *Harvæus* in exerc. 51. loqui amat, vel *Remedium*, secundum *Galenum*, 2. aph. comm. 9. *Magnum*, *Venæsectio* nimirum venit indagandum. In hoc præsidium *Græci* omnes præter *Asclepiadem*, cujus sententiam *Celsus* improbat, consentiunt. *Arculanus* unicum tantum casum occurrere ait, ubi venæsectio non locum habeat, quando scilicet Phrenitis dependet à sola bile, nullo sanguini permixta, sed *Sennertus Med. Pract. lib. 1. part. 2. cap. 8.* sufficienter ei respondet. Certum est, ut decisionem quandam ponamus, quod V. S. egregium in plerisque Phrenitidis speciebus sit remedium, sed in principio administrata, nihil enim æquè ac V. S. sanguinis flammam immodicam deprimit ac diminuit, nihilque incendium ejus à regimine animali magis avertit aut revocat, verba sunt *Clariss. Willisii*; inflammationi quoque conveniens, dum sanguis, qui cum impetu affluere poterat, educitur, portio *stimuli moventis* demitur, & sæpè extravasati nonnihil resorbetur. Dantur tamen casus, ubi nempè nimia adest *malignitas*, nulla verò *plethora*, *vires dejectæ*, *resolutæ*, in quibus vena non secanda. Nisi hæc quoque contraindicerent, repetenda V. S. etiamsi febris gratia prius instituta fuerit, si furor nimius urgeat. Quæ autem incidenda, lis adhuc, præsertim inter *veteres*, movetur. Sed quid ad nos venarum selectus, quem *Circulus sanguinis* planè deridet? Quævis enim vena sanguinem evacuare, quævis impetum coercere novit, ita sanè, ut in omni morbo pari quamlibet successu secari, nonnulli suadeant. Pro vena sub lingua, quam nonnulli secant, quæ ob delirium & furorem nec commodè secari, necque commodè consolidari potest, eligerem ego venam brachii, manus aut frontis. Quando ergò V. S. locum habet, prudenter observandum, ne æger, jaëctatione immodica scalpelli ictum eludat, vel effrænato impetu sibimetipsi noceat. Venæsectione autem feliciter peracta, venaque ligata, linimentum ex aloë, pilis leporinis &

ovi albumine factum laudat *Timæus à Guldenkleee* lib. 1. cap. 6. *Arteriotomia* secundum quosdam, eandem licet veteres penitus ferè rejecerint, & Recentiores Quidam etiamnum rejiciant, in nostro affectu applicanda, sic in Phrenitide *arteriotomiam* in temporali instituendam laudat *Severinus*, *Panarolus* *Pentecost.* 1. obs. 29. *Rolsinckius* l. 2. consult. 4. Teste Excell. D. D. *Mezgero*, Profess. hujus Academiæ Celeberrimo, in *disp. de Arteriotom. thes.* 16. p. 11. non tantum enim hîc periculum metuendum, siquidem *Ægyptii*, teste *Prosper. Alpino* lib. de med. *Ægyptiorum* æquè familiariter arterias secant ac venas, licet peculiarem secandi modum possideant. *Cucurbitulæ* scarificatæ ceu V. S. vicariæ hîc non contemnendæ, laudem etiam inerentur interdum *hirudines*, apud nos tamen minus usurpari solitæ, præprimis autem conveniunt ex hoc Fonte *vesicatoria*, & propter delirium & propter febrem conducentia, tùm *Empl. vesicatorium*, tùm *Cantharidum* pulvis cum propria *saliva*, ut *Joh. Muys* placet in *Chir. Rat.* præ acidis, sal volatile *cantharidum* enervantibus; Quid *Trepanisatio*, quid *Chirurgia Infusoria* in Phrenitide valeant, experientia nondum edocuit. *Melius est*, inquit, *Ettmüllerus* *disp. d. Chirurg. inf. conclus. VII.* In febb. acutis cum inflammationibus itemq; malignis infusionem experiri, quàm ægrum ceu deploratum relinquere.

CAPUT XI.

Fontem Pharmaceuticum libat.

ANte omnia ea statim movenda venit quæstio, an *purgantia* in Phrenitide adhibenda, nec ne? *Multi* quidem, quod sæpius in magnis morbis non modò venæsectione, verùm etiam purgatione, revulsionis gratia, utendum sit, etiam nulla humorum plenitudine existente, aut vitiosi succi abundantia, affirmativam tuentur. Verùm cùm in nostro affectu adsit febris continua, rarò imò fortè nunquàm absque malignitate, cum inflammatione potissimum cerebri aut alius internæ cujusdam partis, in talibus autem febribus, quia agitatio vehementissima, cruditas singularis, quæ separationem heterogeneorum non admittit, vires dejectæ & diar-

diarrhææ in principio talium febrium funestæ tantum soleant esse, fermentum febrile in tenui volatilitate, non magna crassorum humorum quantitate consistat, purgantia dare non solet, ipsa etiam experientia edoctus, *Excell. Dn. Præses*, ut in *Colleg. priv. pract.* loquitur. Majoris usus esse possunt *Suppositoria*, quæ strenuè revellunt, ex *inell. s. vel anthosato, hiera picra & sale communi &c.* parata. *Enemata* hîc non planè rejicerem, eaque leniora & mitiora ex *malv. alth. violar. parietar. aneth. mercurial. lactuc. vitell. ovar. aliisque composita*, aut v. g.

℞. *lact. vaccin. ℥ss.*

ol. chamomill. ruth. viol. aa. ℥ss.

Mell. anthosat. ℥vj.

Sal. comm. vel Nitr. parum,

M. f. clyster.

Vomitoria, cùm raro causa morbifica in ventriculo aut primis viis hæreat, vix imò vix quidem locum hîc quendam habent, si quæ tamen, versus superiora tendens, adesset, quod in *castris*, in *annonæ caritate* fieri aliquando solet, vomitus in principio ciendus *Mercurio vitæ*, olim frequentioris usus, *Aq. Bened. Ruland. oxy-sacch. Emet. & simil. e. g.*

℞. *Tartar. Emet. Lud. gr. iij.*

Sacch. cand. ℥j.

M. f. pulv.

Diaphoretica, quæ è toto corpore per glandularum subcutanearum *ductus papillares* vel sudoris specie, vel insensibili transpiratione facta, vel utroque simul modo fuligines & humores varios attenuatos educendo, æstum simul restingunt, & furorē coërcent, primas hîc tenent, licet enim *Phrenetici* vix in lecto cohiberi queant, quousque tamen possibile, tentandum. Juvant hîc *sal card. bened. absynth. CC. volat.* (in specialibus circa volatilia magna Medici prudentia opus est) *antim. diaphoret. Tinct. Bezoard. Mich. Extract. Bezoard. Excell. Dn. Præs. pulv. pannon. r. spir. CC. CC. phil. calc. Unicorn. utrumque, Bezoard. mineral. mixtur. simpl. ex his aliisque ab Autoribus hinc indè laudatis variæ parari possunt formulæ, v. g.*

℞. *Extract. bezoard. Exc. Dn. Præs. gr. iv. v. viij.*

f. pil. deaur. d.

℞. Pulv. pannon. r. ℥ij.

antim. diaphor. ℥j.

Sal. card. bened. ℥℞.

M. f. pulv. div. in 2. part. æq. d.

℞. Aq. Card. bened. scorzon. aa. ℥℞.

Syr. scabios. ℥iij.

M. d. f. Wasser zum Pulver.

Diuretica nec hîc prætergredienda, præsertim ubi natura ad vias urinarias expulsionem causæ morbificæ tendere videtur, quæ vel præcipitando, imbibendo, infringendo, acrimoniam mitigando, ut *Crystall. oc. 69. lap. Judaicus, putam. ovor.* vel attenuando, rarefaciendo, resolvendo, deobstruendo, incidendo, aperiendo aliisque modis in nostro affectu agere possunt, qualia *sal juniper. ononyd. succin. volat. Tinct. Tartar. petrosel. nast. aq. rad. s. aperient. ononyd. & varia alia*, tempestivè data. Cumque sæpius contingat, ut *Urina* in hoc affectu vel spontè subsistat, sive, quod credibilius, quod ægri eam reddere negligent, itaque tunc ægri ad urinam reddendam sæpius incitandi sunt, vel pubes & perinæum emollientibus fovendum, ut *ol. amygd. d. Scorpion.* (hoc tamen aliquibus non placet, cum nimis exsiccet & spasmus inferat) *ung. alth. &c.* Decoctum hîc laudatur ex fol. *parietar. alth. lil. alb. cherefol.* cum *ol. scorpion. amygd. d. &c.* Vel si opus sit, *instrumentorum* ope educatur.

Alterantia jam occurrunt, inter hæc adhibeantur talia, quæ refrigerant sulphureas, salinas, ferventes sanguinis particulas mitigant, restinguunt, spirituum ferociam coercunt, omnia autem quæ simul alexipharmaca sive transpirationem promoventia sunt, ut refrigerantia, diluentia, mucilaginoso, absorbentia, imbibentia, infringentia, e. g. *acetos. & alia ex regno minerali & vegetabili desumpta acida*, ut *mal. citr. cerasa acida*, Nitrum Quibusdam valdè commendatum, & cujusvis hypothese facile applicandum, *fumar. lact. nymph. Tinct. rosar. emuls. ex 4. sem. frig., papav. Card. bened. Unicorn. CC. & alc. Ebur. pulv. pannon. r. antimon. diaph. Terr. sigill. & spir. ejus ex commendatione Grulingii* in omnibus rabiosis affectibus laudatissimus, ut

℞. CC.

- ꝛ. CC. phil. calc.
 Unicorn. ver.
 fossil.
 Corn. Rbinocer.
 oc. 69.
 Terr. sigill. aa. ʒj.
 M. f. pulv.
 ꝛ. Conf. rad. Cich. violar.
 acetosell. aa ʒj.
 Carn. citr. cond.
 Lact. Hisp. cond. aa ʒss.
 Spec. diamarg. frig. ʒj.
 Syr. acetos. citr. q. f.
 M. f. Elect.

Quoniam autem Phrenetici aut *siti* inexhausta premuntur, aut lingua subarida & nigricante non sitiunt, cum tamen urantur, quædam vel non poscente ægro, offerenda, quæ sitim æstumque minuunt; potus ordinarius sit sequens, quo largè uti poterit:

- ꝛ. Rad. Scorzon.
 Passul. maj. min. aa ʒj.
 visc. quern. ʒij.
 sem. fœnic. anis. aa ʒss.
 CC. ust. ʒvj.

Concis. & contus. misc. d. ad chart. f.

species pro potu ord.

Vigiliis etiam, quæ sæpè cum furore subitò & nimium invadente valdè urgent, jamjam prospiciendum, fortiora tamen *hypnotica* non semper ab initio conveniunt, nec crebro in usu sint, ne debilitatis viribus ægrum in periculosum dejiciamus *Veternum*. Emulsionem hinc laudem merentur, ut

- ꝛ. Sem. 4. frig. maj. a ʒss.
 papav. alb. ʒij.
 f. c. aq. papav. err.
 nymph.
 rosar. aa. ʒj. Emulsio,
 Edulcetur syr. papav. simpl. q. f.
 M. d. f. Schlaff-Milch.

Cui, si opus sit, nonnihil *laud. opiat.* addi potest, aut ex *laud. gr. j. Extract. papav. err. vel Bezoard. Excell. Dn. Presf. gr. iij. pilula* formari, quo modo non furor solum sedabitur, sed & transpiratio summè hîc necessaria juvabitur. Laudem quoque suam hîc meretur *Tinct. opii Langelotti, & Legitima*, si quis ea possidet, *Mineralium sulphura.*

Epithemata variis locis applicata profunt, sic *sedum majus* contusum, cum lacte muliebri mixtum, & syncipiti raso applicatum, mirè laudatur. *Oxyrrhodina* quoque, *Ungt. Alabastrinum, popul. & Animalia viva* discerpta. Lis autem adhuc est, præsertim verò maximè jam olim inter Veteres agitata, an *rasio* in Phrenitide locum habeat? *Asclepiades* radi noluit, nec etiam tonderi, quia videlicet raso capillo aut detonso, copiosior materia in caput attollitur, undè capilli fruticant magis & seges detonsa uberius provenit, itaque cùm oporteat materiam à capite revelli, non in caput attrahi, non erunt radendi aut tondendi; sed an hæ rationes pro negativa sententia adductæ sufficiant, dubito. *Sacculus* ex *Syndone* cum speciebus *cardiacis* interpassatim cum bombycæ insutus atque *aq. destill. vel acet. rosar.* irrigatus, præcordiis applicatus maximè laudatur. *Lintea aceto rosaceo* madida imponuntur *testibus.* *Pedes decocto foliorum salicis, lactuce, capitem papaveris albi* balneantur, aut *lixivio mitigatorio* à *Rolsinckio* commendato humectantur, aut etiam acria, *fermentum* cum *sinapi* & hujusmodi iis imponuntur. Cura illa à *Willisio* præscripta & in *Ancilla* quadam, *fluvio profundo immersa*, feliciter peracta in omnibus Phreneticis locum non invenit. Hîc interim, quod ea, quæ externè variis partibus applicantur, non *frigide*, aut *nive* vel *puteo*, quod *Avicenna* vult, refrigerata, sed *tepidè* vel *calidè* applicanda sint, monendum venit.

Viribus consulimus non solum externis, sed & internis *roborentibus*, quæ tamen semper ad causam morbificam directæ sint, hocque nomen merentur supra adducta, variè inter sese miscenda, & eò quoque referenda *aq. 4. cordial. cordial. frigid. Excell. Dn. Presid. Syr. granator. Conf. alkermes &c.*

CAPUT XII.

Fontem *Diæticum* exponit.

A *Eris* constitutio qualis hîc conveniat, omnium primò perpendendum venit; omnes ferè in neque nimis humidum, neque crassum, & frigidum, aut nimis calidum consentiunt, ne capiti meatuum densatio aut repletio superveniat, sed existat, docente *Foresto, temperatus*. Et sanè pro delirii ratione modò hic modò ille magis nocet, hicque modò, modò ille magis prodest; ubi autem *febris maligna* adest, prohibeat Medicus, quantum licet, quæsitum *aëris refrigerium* per jactationem membrorum, *Turbam hominum* à cubiculo ob varias causas exesse jubeat: *Cubilia à picturis* sint libera, cùm ejusmodi colorum varietas occasionem præbeat ægris multa falsa imaginandi, circa quæ potissimùm plurimùm solent laborare, qua ratione & deliria augentur; hinc *veteres Medici*, ne *vestes* quidem *vario colore distinctas* propè ægrum versari volebant, aut tegumentis variegatis cooperiri. *Præstat*, inquit *Forestus*, ut *cubiculum potius sit dealbatum aut viride, quàm alius cujusdam coloris*. Convenit inter medicandum etiam *victus rationi*, ut maximè necessariæ, animum adhibere. Cibus autem sit refrigerans, & humectans; *Hordei cremor* hîc conducit, & *juscula carniū bubularum, gallinarum, caponum, nostratibus familiaria*, non tamen nimia, sive continua, sive discreta quantitate. *Guainerius* vitulinas laudat carnes & gallorum non coeuntium, *la duca, portulaca, acetosa*, aliis quoque si præprimis *ægri palato* simul & morbo convenient, *herbis, floribus*, aliisque medicamentis alteratas. Quod *potum* attinet & præprimis vinum, multi illud Phreneticis concedunt, non desunt tamen, qui id prohibent. Verùm in Phrenitide inter *Nostros* reformidarem vinum, non tàm ob *acidum*, quàm potissimum *spirituosas, sulphureas, volatiles* particulas, decocta verò ex *Alexipharmacis, refrigerantibus, humectantibus*, in copia etiam assumpta eligerem pro potu ordinario. *Motum & Quietem* quod spectat, cuius ferè sanum & proficuum videri potest, ut *Quies* inducatur, motus verò removeatur. *Paulus Phreneticos*

ricos jubet in quiete contineri, divites quidem per *famulos*, pauperes verò *vinculis constringendo*, iisque *blandissimis & latis*, ne lædantur. Imò rectè suadet & vult *Gravius*, ne ex lecto moveantur, cum in Medicos suos & familiares, & alios sæpè irruant, & mirabilia faciant, quibus non est fidendum, etiamsi se benignos esse, fingant, probè quoque cavendum, ne *semet ipsos* lædant. Quid de *somno & vigiliis* hîc monendum sit, nemini non notum est. *Vigiliis* enim sic durantibus, vires paulatim deficiunt, deficientibus autem viribus, morbus magis magisque radices ponit. Somnus ergò, cum id, quod caret alterna requie, durabile non sit, nostro affectu laborantibus necessarius est; Spiritus enim tumultuantes demulcet, corpus humectat, æstum in corpore mitigat, ipsum recreat animum, ita fanè ut in deliriis quibuscunque remediî loco sit, mira que dulcedine corpus demulcet, ut ideò à Quibusdam melle dulcior vocetur, hinc Naso:

Somne Quies rerum, placidissime somne DEORUM,

Pax animi, quem cura fugit, tu pectora duris

Fessa ministeriis mulces, reparasque labori.

Sed si ullibi *Animi pathemata* quid possunt, certè in nostro Affectu vim suam atque efficaciam monstrare norunt, quocunq; ergò modo illa, quæ nocent, removenda, quæ verò prosunt, promovenda veniunt. *Ira* igitur, *Timor*, *Mæstitia* & *Terror* quibusque mediis abigenda; *letitia* verò & *gaudium* introducenda. Nonnunquam quoque ex solâ desiderii expletione Quosdam curatos fuisse referunt Historiæ. Demulcendus hîc animus mollibus *sermonibus* & tentandum iteratis vicibus. Sic instrumenta *Musica*, horribilem sonum non habentia, conducunt, at soni fortes, ut *Tubarum*, quibus Filius *Matthæi Gradi* incidit in Epilepsiam, maximè sunt detestandi. Ad locum, in quo decumbunt ægri, cum *non multos*, *non ipsis contrarios* tolerare norint, non nisi grati, ingrediantur, monendum restat. *Alvus*, quod *Excreta* & *Retenta* tandem concernit, lubrica servanda, si restiterit, *Clysteribus* & *suppositoriis*

sollicitanda. In *declinatione* aut si penitus debellata sit

Phrenitis, *evacuatio per alvum*
conducit.

DEO SIT LAUS, HONOR ET
GLORIA.